



通鑑地理通釋卷第九

七國形勢攷中

魏

蘇秦說魏襄王曰大王之地南有鴻溝陳汝南許

鄆昆陽召陵舞陽新都新鄆東有淮潁荊棗無胥

西有長城之界北有河外卷衍酸棗地方千里地

名雖小然而田舍廬廡之數曾無所芻牧人民之

衆車馬之多日夜行不絕鞬鞞殷殷若有三軍之

地理通釋

卷之九

汲古閣

衆臣竊量大王之國不下楚說趙曰秦之攻韓

魏也無有名山大川之限稍蠶食之傳國都而止

衛鞅曰魏居嶺阨之西都安邑與秦界河而獨

擅山東之利張儀說魏王曰魏地四平諸侯四

通輻湊無名山大川之限從鄭至梁二百餘里車

馳人走不待力而至梁南與楚境西與韓境北與

趙境東與齊境卒戍四方守亭鄣者不下十萬梁

之地勢固戰場也梁南與楚而不與齊則齊攻其



東東與齊而不與趙則趙攻其北不合於韓則韓  
攻其西不親於楚楚攻其南此所謂四分五裂之  
道也 蘇代約燕王曰秦正告魏曰我舉安邑塞  
女戟韓氏太原卷我下軹道南陽封冀包兩周乘  
夏水浮輕舟彊弩在前鐵戈在後決滎口魏無大  
梁決白馬之口魏無外黃濟陽決宿胥之口魏無  
虛頓丘陸攻則擊河內水攻則滅大梁魏氏以爲  
然故事秦 魏安釐王以秦救之故欲親秦而伐

地理通釋

卷之九

汲古閣

韓以求故地無忌謂魏王曰秦與戎翟同俗有虎  
狼之心貪戾好利無信不識禮義德行苟有利焉  
不顧親戚兄弟若禽獸耳此天下之所識也今韓  
氏以一女子奉一弱主內有大亂外交彊秦魏之  
兵王以爲不亡乎韓亡秦有鄭地與大梁鄰王以  
爲安乎王欲得故地今負彊秦之親王以爲利乎  
秦非無事之國也韓亡之後必將更事更事必就  
易與利就易與利必不伐楚與趙矣是何也夫越

山踰河絕韓上黨而攻彊趙是復闕與之事秦必  
不爲也若道河內倍鄴朝歌絕漳滏水與趙兵決  
於邯鄲之郊是智伯之禍也秦又不敢伐楚道涉  
山谷行三千里而攻冥阨之塞所行甚遠所攻甚  
難秦又不爲也若道河外倍大梁右蔡左召陵與  
楚兵決於陳郊秦又不敢故曰秦必不伐楚與趙  
矣又不攻衛與齊矣夫韓亡之後兵出之日非魏  
無攻已秦固有懷茅邢丘安城堽津以臨河內河

地理通釋

卷之九

汲古閣

內共汲必危有鄭地得垣雍決滎澤水灌大梁大  
梁必亡王之使者出過而惡安陵氏於秦秦之欲  
誅之久矣秦葉陽昆陽與舞陽高陵鄰聽使者之  
惡之隨安陵氏而亡之繞舞陽之北以東臨許南  
國必危國無害已夫憎韓不愛安陵氏可也夫不  
患秦之不愛南國非也異日者秦在河西晉國去  
梁千里有河山以闌之有周韓以間之從林鄉軍  
以至于今秦七攻魏五入圍中邊城盡拔文臺墮

垂都焚林木伐麋鹿盡而國繼以圍又長驅梁北東至陶衛之郊北至平監所亡於秦者山南山北河外河內大縣數十名都數百秦乃在河西晉去梁千里而禍若是矣又况於使秦無韓有鄭地無河山而闌之無周韓而間之去大梁百里禍必百此矣

呂氏曰信陵君之言深切綜練諳天下之大勢使魏王能用其計糾率楚楚竭力助韓則韓不至於失上黨趙不至於敗長平六國亦不至為秦所吞矣

鴻溝

地理通釋

卷之九  
四

汲古閣

河渠書滎陽下引河東南為鴻溝以通宋鄭陳蔡曹衛與濟汝淮泗會於楚索隱云楚漢中分

之界文穎云即今官渡水也蓋為二流一南經

陽武縣

今屬東京

為官渡水一東經大梁城即河溝

今之汴河是也正義應劭云在滎陽東南二十里張華云大梁城在浚儀縣此縣西北渠水東經此城南又北屈分為二渠其一渠東南流始皇鑿引河水以灌大梁謂之鴻溝楚漢會此處

也程氏曰鴻溝之名蘇秦固嘗言之不待始皇乃有也其一渠東經陽武

縣南為官渡水張洎云大禹於滎澤下分大河為陰溝引注東南以通淮泗至

大梁浚儀縣西北復分二渠一渠東經陽武縣中牟臺下為官渡水一渠始皇疏鑿以灌魏都

謂之鴻溝荳荈渠自滎陽五池口東注之其鴻溝即出河之溝亦曰荈荈渠地理志滎陽縣汴

水在西南有狼湯渠首受汴東南至陳入潁陳留縣魯渠水受狼湯渠東至陽夏入渦渠浚儀

縣睢水首受狼湯水東至取慮入泗郡國志滎陽有鴻溝水正義云歷

浚儀南晉志浚儀有鴻溝輿地廣記鄭州滎陽縣有鴻溝在西楚漢中分天下處東京開封縣

有汴河蓋古荈荈渠也祥符縣本大梁竹書紀年云梁惠王三十一年為大溝於此邪以行圃

地理通釋卷之九汲古閣

田之水縣北有浚水像而儀之故謂之浚儀中牟縣北十二里有中牟臺是為官渡城水經注

禹塞滎澤開渠以通淮泗胡氏曰據後漢上疑其為鴻溝下疑其為官渡者恐未得其要官渡

直黃河也故曹袁相距沮授曰悠悠黃河吾其濟乎汴渠自西而東鴻溝乃橫亘南北史記將

相表高帝四年與楚界洪渠即鴻溝也水經注尉氏縣有鴻溝鄉鴻溝亭

### 陳 汝南

陳國楚滅為縣頃襄王自郢徙都兼為魏境陳今

州汝南春秋時屬沈蔡戰國屬楚魏漢置汝南

郡今蔡州地理志魏南有汝南之召陵灃彊新汲

西華長平

許 鄆 鄆

許本許國漢為潁川許縣魏改曰許昌

今省入潁昌府

長杜縣許田鎮鄆戰國策作鄆楚昭陽伐魏取鄆漢屬

潁川

唐鄆城縣屬蔡州今屬潁昌府

鄆春秋鄭伯克段于鄆

鄭語

八邑有鄆

周語注妘姓之國為鄭武公所滅漢陳畱

有偽縣應劭曰鄭伯克段於偽是也後漢鄆屬

梁國

又晉敗楚鄆陵漢潁川有偽陵縣注曰六國曰安陵今東京鄆陵縣也二縣當有別

地理通釋

卷之九

汲古閣

而傳注雜而言之括地志鄆陵故城在許州鄆陵縣西北十五里張儀謂魏王曰楚破南陽九夷內沛許鄆陵危韓世家秦伐敗我鄆郡縣志故鄆城在宋州寧陵縣南五十三里漢之鄆縣鄭伯克段於此寧陵本朝屬拱州

昆陽

漢屬潁川應劭曰昆水出南陽

南陽魯陽有昆水東南至定陵

入汝汝州葉縣北二十五里有昆陽城光武破尋

邑之所

召陵

漢屬汝南卽齊桓公伐楚次于召陵括地志故  
城在豫州卽蔡州鄆城縣東四十五里今屬潁昌府秦

紀惠王十四年伐楚取召陵

### 舞陽

漢屬潁川應劭曰舞水出南樊噲所封唐屬許州括

地志故城在許州葉縣東十里今縣屬潁昌府

### 新都

漢屬南陽郡國志新野縣有東鄉故新都王莽封今

### 地理通釋

卷之九  
七

汲古閣

新野省人  
鄧州穰縣

### 新鄆

漢屬汝南索隱卽鄆丘故城在潁州汝陰縣西北見上

### 淮潁

二水名地理志淮水出南陽平氏縣今唐州桐柏縣桐

栢大復山潁水出潁川陽城縣今河南府登封縣陽乾

山正義云淮陽潁川二郡

### 蕘棗



徐廣曰在宛句

輿地廣記與仁府曹州冤亭縣有故煑棗城樊噲從攻項籍屠

表有煑棗侯顏師古曰既云攻項籍則其地當在大河之南非清河之城田齊世家蘇代謂田軫曰客有言曰魏王謂韓馮張儀曰煑棗將拔齊兵又進子來救寡人則可矣正義煑棗故城在冀州信都縣東北五十里漢韋朱國故老傳云六國時於此煑棗油今按蘇秦謂東有煑棗當從煑棗之說宛句縣漢屬濟陰一作宛胸大觀二年改宛亭郡國志宛句有煑棗城水經注北濟自濟陽縣北東北逕煑棗城南

無胥

地闕戰國策東有淮潁沂黃煑棗海鹽無疎鮑

地理通釋

卷之九

汲古閣

氏云沂水出泰山蓋縣

沂州新泰縣

艾山黃卽陳畱

外黃

注東京雍丘縣戰國策韓氏圍黃

海鹽未詳解州解安邑

有鹽池

地理志河東安邑鹽池在西

左傳郇瑕氏之地近鹽注云猗氏縣鹽池是山

海經景山南望鹽販之澤卽解縣鹽池也水經注周穆王漢章帝並幸安邑觀鹽池

長城

徐廣曰滎陽卷縣有長城經陽武

縣屬東京

到密秦

紀魏築長城自鄭濱洛以北有上郡正義鄭華

州縣洛漆沮也魏世家惠王十九年築長城塞

固陽 以備秦及西戎 桐陽漢屬五原郡括地志漢舊縣在銀州銀城縣界正義按魏築長城自鄭濱洛北庭銀州至勝州固陽縣爲塞也固陽有連山東至黃河西南至夏會等州水經注濟瀆又東逕陽武縣故城北又東絕長城竹書紀年梁惠成王十二年龍賈帥師築長城于西邊

### 河外

正義謂河南地按晉語入河外列城五注云河東也晉以河東爲河外魏以河南爲河外張儀說魏王曰秦下兵攻河外據卷衍酸棗說齊曰

### 地理通釋

卷之九 九

汲古閣

梁效河外索隱謂河外河之南邑若曲沃平周等魏世家秦復予我河外無忌率五國兵攻秦敗之河外蘇秦說趙曰魏弱則割河外

### 卷衍

正義卷城在鄭州原武縣西北七里漢河南有

### 卷縣

輿地廣記故城在原武縣東

衍在鄭州亦曰衍氏

後漢注卷

故城在原武縣西北蘇秦說趙曰據衛取淇卷則齊必入朝秦

### 酸棗

漢屬陳畱

以棘名邦

魏世家文侯三十二年伐鄭城

酸棗取鄭地而城之也

唐屬滑州今屬東京漢文帝時河決金隄卽此

有酸棗臺括地志故城在縣北十五里古酸棗縣南水經注竹書紀年曰魏襄王十年大霖雨疾風河水酸棗邪漢世塞之說苑翟黃曰酸棗無令臣進北門可而魏無齊憂郡縣志故

城在縣西南十五里

### 梁 大梁

地理志陳畱郡浚儀故大梁

魏惠王自安邑徙此號曰梁今東京

祥符縣

魏世家惠王三十一年秦用商君東地至

地理通釋

卷之九

汲古閣

河而齊趙數破我安邑近秦於是徙治大梁

水經

注大梁城本春秋之陽武高陽鄉於戰國爲大梁周梁伯之居竹書紀年梁惠成王九年四月甲寅徙邦于大梁 酈食其曰陳畱天下之衝四通五達

之郊也太史公曰吾適故大梁之墟墟中人口

秦之破梁引河溝而灌大梁三月城壞王請降

遂滅魏

王假元年

又曰吾過大梁之墟求問其所謂

夷門夷門者城之東門也張儀說魏史記云從

鄭至梁二百餘里戰國策云從鄭至梁不過百

里從陳至梁二百餘里按九域志鄭州至東京一百四十里陳州至東京二百四十五里當以國策爲正又曰卒戍四方守亭障者參列粟糧漕庾不下十萬鮑氏謂他國或有山川關塞唯梁無之皆以卒戍守本朝都大梁太祖欲西遷洛陽據山河之固曰不出百年民力殫矣後山陳氏謂開封無山川之阻爲四戰之地故太祖以兵爲衛畿內常用十四萬人

地理通釋

卷之九十一

汲古閣

安邑

郡縣志故城在陝州夏縣東北十五里禹所都

地理志河東安邑魏絳自魏徙此至惠王徙大

梁唐屬河中府今屬解州魏世家武侯二年城安邑秦紀

昭王二十一年魏獻安邑以爲河東郡汾水可以灌

安邑正義云安邑在絳州夏縣本魏都汾水東北歷安邑西南入河戰國策城

渾曰蒲坂平陽相去百里秦人一夜而襲之安

邑不知國子曰安邑者魏之柱國晉陽者趙

之柱國也鄢郢者楚之柱國也

柱國都也

女戟

劉伯莊云蓋在太行山之西戰國策蘇代謂齊王曰秦舉安邑而塞女戟韓之太原絕韓氏索隱云韓國宜陽也太原劉伯莊云當為太行索隱云太行字原當為東京屬滎陽

軹

索隱云河內軹縣水經注竹書紀年梁惠成王

地理通釋

卷之九十二

汲古閣

十三年鄭釐侯使許息來致地平丘戶牖首垣諸邑及鄭馳地我取枳道與鄭鹿戰國策蘇代曰秦下軹道南陽而伐魏絕韓包二周蘇厲曰齊反溫軹高平於魏輿地廣記漢軹縣屬河內

唐貞觀元年省入孟州濟源縣

故城在縣東南正義軹在懷州

濟源縣南三十里後屬孟州聶政軹深井里人秦紀昭王十六年左更錯取軹唐地理志濟源縣西有故軹關蘇秦說趙曰秦下軹道則南陽危

南陽

地理志河內郡脩武應劭云晉始啓南陽今南

陽城是也秦改曰脩武

水經注脩武故甯亦曰南陽馬季長曰晉地自

朝歌以北至中山為東陽朝歌以南至軹一為南陽應劭地理風俗記曰河內殷國也周名為南陽臣瓚云韓非書秦昭王越趙長平西伐脩武

時秦未兼天下脩武之名久矣劉氏云脩武則

甯武王伐紂名之秦紀昭王三十三年魏入南

陽以和張儀傳魏絕南陽白起傳攻南陽太行

道絕之輿地廣記懷州脩武縣本商之甯邑武

地理通釋

卷之九  
十三

汲古閣

王伐紂勒兵於甯更名脩武

韓詩外傳

唐武德四年

改為武陟而別置脩武縣於隋脩武縣故城郡

國志脩武故南陽

南陽有二脩武即晉魏之南陽也南陽郡今鄧州也

魏

世家段干子請予秦南陽以和

封冀

索隱封陵冀邑皆在魏境魏世家哀王十六年

秦拔我蒲反陽晉封陵

紀年作晉陽封谷正義封陵在蒲州今河中府

徐廣云河東皮氏縣東北有冀亭

晉荀息曰冀為不道皮氏

今河中府龍門縣秦紀惠王九年渡河取皮  
氏正義封陵在古蒲坂縣西南河曲之中

### 兩周

正義王城及鞏世本西周桓公居河南東周惠  
公居洛陽呂氏曰平王東遷之後所謂西周者  
豐鎬也東周者東都也威烈王之後所謂西周  
者河南也東周者洛陽也考王封其弟揭於河  
南以續周公之職是爲河南桓公

王城故地

威烈王

嗣位西周惠公封其少子班於鞏以奉王寶東

### 地理通釋

卷之九  
十四

汲古閣

周惠公此東西周公之始也

東周王所居之洛陽也鞏班之采邑

也顯王二年趙與韓分周爲二東西周各爲列

國顯王雖在東周特建空名於其上耳自是而  
後凡征伐謀策稱東西周君者皆謂二周君也  
周本紀云赧王時東西周分治非也赧王特徙  
都西周耳

### 滎口

滎澤

索隱滎澤之口與今汴河口通其水深可以灌

大梁

敵國明言之而魏不為備

水經濟水又東合滎瀆注云

瀆水受河水有石門謂之滎口石門蓋故滎播

所道自此始渠出滎陽北河東南過中牟之北

又東注浚儀注云秦始皇二十二年王賁斷故

渠引水東南出以灌大梁

溝洫志王橫言秦攻魏決河灌其都決處

遂大不可復補

謂之梁溝濟水又東逕滎澤北

京相璠曰滎澤

在滎陽縣東南與濟隧合穆天子傳曰甲寅天子浮於滎水乃奏廣樂晉地道志濟自大淮入

河與河水鬪南決為滎澤通典鄭州滎澤縣禹貢濟水決為滎澤即此今濟水不復入滎濟水

地理通釋

卷之九十五

汲古閣

東流經溫縣入河郡國志曰因王莽末旱此渠枯涸濟水但入河而已不復截流而南水經乃

核禹貢舊道斯不詳之甚左傳注熒陽釋文云本或作滎史記正義云滎瀆渠首起滎澤縣西

北二十里郡國志河南滎陽有費澤注云左傳宣十二年及滎澤杜預曰縣東滎澤也郡縣志

鄭州滎陽縣西北四里有故瀆

白馬之口

索隱白馬津在東郡決其流以灌外黃濟陽水

經注竹書紀年梁惠成王十二年楚師出河水

以水長垣之外金隄既建

金隄在白馬界

故渠水斷尚



謂之白馬瀆韓非初見秦曰決白馬之口以沃

魏氏張儀說趙曰守白馬之津

正義云在滑州白馬縣北三十

里水經注白馬縣神馬亭開山圖所謂白馬山也山上常有白馬羣行悲鳴則河決

### 外黃濟陽

外黃漢屬陳畱張晏曰魏郡有內黃故加外

地理

志注左氏傳曰惠公敗宋師于黃杜預以為外黃縣東有黃城故城在開封府雍丘縣東六十里唐貞觀元年省後梁太祖幸河北至內黃顧李珣曰何為內黃珣曰河南有外黃下黃故此各內黃太祖曰外黃下黃何在珣曰秦有外黃都尉今在雍丘下黃為北齊所廢今在陳畱五

### 地理通釋

卷之九 十六

汲古閣

代通錄河南有外黃小黃故河北有內黃小黃為齊高所廢其故城今在陳畱小黃故城在陳畱縣東北濟陽水經注云陳畱風俗傳曰縣故宋地

竹書紀年梁惠成王三十年城濟陽

漢陳畱郡濟陽縣唐

省入宛句建隆四年為濟陽鎮屬開封府東明縣

### 定胥之口

正義淇水出衛州清淇縣

清淇省入衛縣水經注淇水分為二水

一水南東至黎陽入河魏志云武帝於清淇口

東因宿胥故瀆開白溝道清淇二水入焉徐廣

云紀年曰魏救山塞集胥口

索隱曰蓋亦津名

水經注

宛水東南入淇水淇水右合宿胥故瀆瀆受河

於頓丘縣遮害亭東黎山西北會淇水處立石

堰遏水今更東北注魏武開白溝因宿胥故瀆

而加其功

宿胥口舊河水北入

故蘇代曰決宿胥之口卽

指是瀆也

通典淇水出其山東至衛縣界入河謂之淇水口曹公於水口下大枋木

成堰遏淇水入白溝時人號枋頭溝瀆志黎陽遮害亭西十八里至淇水口

### 虛頓丘

地理通釋

卷之九  
十七

汲古閣

索隱虛邑名地與酸棗相近春秋桓十二年公

會宋公于虛注云宋地正義虛謂殷墟今相州

所治是水經注洹水出山連逕殷墟竹書紀年

曰盤庚卽位自奄遷于此遂曰殷

史記項羽與章邯盟洹水

南殷墟上正義云括地志相州安陽縣盤庚所都卽此北冢殷墟南去朝歌縣城百四十六里

國都城記云鄴縣城西南四十里有洹水南岸三里有安陽城名殷中卽殷所謂北冢者索隱

汲冢古文云盤庚自奄遷于北冢曰殷墟南去鄴三十里太平御覽相州圖經曰安陽紂都也

在淇洹二水之間本殷墟所謂北冢是也戰國策曰紂昔聚兵百萬左飲淇水使竭右飲洹水

不流今按地理志河內殷墟更屬于晉注云殷虛汲郡朝歌縣魏世家秦拔我朝歌亦魏地也

頓丘正義云故城在魏州頓丘縣東北二十里

水經注闕駟云頓丘在淇水南又屈逕頓丘西

爾雅曰山一成謂之頓丘釋名謂一頓而成丘

無高下小大之殺詩所謂送子涉淇至于頓丘

竹書紀年晉定公三十一年城頓丘輿地廣記云本衛邑

漢屬東郡唐屬魏州復置澶州晉天福四年以頓丘為德清軍熙寧四年省入開德府清豐縣

戰國策張儀謂魏王曰齊伐趙取乘丘收侵地虛頓丘危

地理通釋

卷之九十八

汲古閣

河內

地理志魏地其界自高陵以東盡河東河內河內

本殷之舊都朝歌周襄王以河內賜晉文公脩武孟子梁惠王曰河內

凶則移其民於河東魏世家文侯任西門豹守

鄴而河內稱治索隱曰大河在鄴東故名鄴為

河內溝洫志史起引漳水溉鄴以富魏之河內無忌曰河內共汲必危

闕與

正義秦韓相攻於闕與而趙奢破秦軍郡縣志

闕與山在磁州武安縣西南五十里趙奢傳秦軍武安西

徐廣曰武安在邯鄲西唐初屬洛州正義云按括地志言拒秦軍在此山疑其太近既去邯鄲

三十里而軍又云趨之二日一夜至闕與五十里而軍軍壘成今洛州去潞州三百里間而隔

相州恐潞州闕與聚城是所拒據處郡國志上黨涅縣有闕與聚

括地志闕與聚城今名烏蘇城在潞州銅鞮縣

西北二十里銅鞮今屬威勝軍又儀州今遼和順縣城

亦云韓闕與邑未詳王翦攻闕與轅陽韓信破

代禽夏說闕與孟康曰在上黨潞縣

地理通釋卷之九十九 汲古閣

鄴

輿地廣記相州臨漳縣本漢鄴縣東魏析置漢袁紹

為冀州牧鎮鄴曹公以為鄴都作三臺石虎慕容儁東

魏北齊都焉後周尉遲迥舉兵韋孝寬討平之乃焚鄴縣徙其民以安陽城置鄴縣熙寧六年

省入臨漳水經注鄴本齊桓公所置管子曰築五鹿中牟鄴以衛諸夏後屬晉魏文侯七年始

封此地故曰魏漢高帝十二年置魏郡治鄴縣郡縣志故鄴城縣東五十步本齊桓公所築

朝歌

漢屬河內紂所都隋改為衛縣通典古城在衛

州衛縣西二十二里紂都有鹿臺謂之殷墟

水經

注本沫邑紂有新聲靡樂號邑朝歌墨子迴車顏淵不舍括地志朝歌故城在衛州東北七十

三里帝王世紀帝乙徙朝歌地理志衛為狄所

滅更封於河南曹楚丘而河內殷虛更屬于晉

左傳齊伐晉取朝歌

冥阨之塞 鄆阨

括地志石城山在申州

今信陽軍

鍾山縣東南二十

一里魏攻冥阨卽此山呂氏春秋淮南子九塞

地理通釋

卷之九 二十一

汲古閣

此其一也左傳定四年楚左司馬戌曰還塞大

隧直轅冥阨春申君傳秦踰黽隘之塞而攻楚

楚世家楚人對項襄王曰涉鄆塞而待秦之倦

也戰國策莊辛曰穰侯受命乎秦王填黽塞之

內而投已乎黽塞之外蘇代曰秦欲攻魏重楚

則以南陽委於楚殘均陵

今均州

塞鄆阨徐廣注

云或為冥今江夏鄆縣正義申州羅山縣本漢

鄆縣有平靖關蓋古鄆縣之阨塞

劉伯莊云秦兵向楚有兩

道涉谷西道河外東道從褒斜入梁州卽東南  
至申州石城山險阨之塞也通典申州春秋  
時申國之地魏置義陽郡有三關之隘北接陳  
汝控帶許洛鍾山縣開寶九年省入信陽縣  
冥阨塞在信陽軍  
東南五十五里  
冥郟黽並音萌戰策云  
危隘之塞  
涉

谷索隱云往  
楚之險路

### 蔡

戰國策云右上蔡召陵無左字正義上蔡縣在  
豫州北七十里今蔡州  
故蔡國從汴州南行向陳州之

西郊則上蔡召陵在南面向東皆身之右

### 地理通釋

卷之九  
二十一

汲古閣

### 懷茅

周桓王與鄭蘇忿生之田有攢茅隳懷襄王與

晉攢茅之田括地志故懷城在懷州武陟縣西

十一里漢河內懷縣本禹貢覃懷之  
地春秋時赤狄伐晉圍懷  
徐廣云脩

武古軹縣有茅亭括地志在懷州獲嘉縣東北  
二十五里獲嘉古脩武唐屬

### 州衛

邢丘 安城 塢津

括地志平臯故城在懷州武德縣今河東南二

十里本邢丘邑

韓詩外傳武王伐紂至邢丘更名曰懷左傳宣六年赤狄伐晉

圍懷及邢丘則為二邑水經注梁惠成王三年鄭城邢丘鄭即韓也韓世家昭侯六年伐東周

取陵觀邢丘

安城在鄭州原武縣東南二十里

無忌曰使

道安城

索隱坿津在河北

九毀反正義云坿當作延括地志延津故城在

衛州清淇縣西南二十六里杜預云汲郡城南有延津是也

共汲

共窳

無忌又曰通韓上黨於共窳地理志共汲二縣

屬河內正義共衛州共城縣

水經注共縣共和故國共伯歸政造

地理通釋

卷之九 二十二

汲古閣

遙于共山之上山在國北所謂共北山也通典共城古共伯國故城在縣東

汲在衛

州所治汲縣西南二十五里通典汲縣牧野之

地 魏世家秦拔我汲索隱曰汲一作波縣屬河內孟康曰今絺城括地志故邾城在懷州河

里蘇忿生邑

懷州脩武縣本殷窳邑

韓詩外傳武王

勒兵於窳改曰脩武

鄭地

徐廣云成臯滎陽屬鄭

韓都鄭故稱韓為鄭

垣雍

括地志故城在鄭州原武縣西北七里

徐黃曰在卷縣

戰國策長平之役平都君說魏王曰王胡不為從魏王曰秦許吾以垣雍郡國志河南卷縣有垣雍城或曰古衡雍白起傳應侯言於秦王割韓垣雍以和秦紀昭王四十八年韓獻垣雍

### 安陵

括地志鄆陵縣西北十五里李奇曰六國時為

### 安陵

戰國策安陵君曰吾先君成侯受詔襄王以守此地也手受大府之憲秦王謂安陵

君曰欲以五百里之地易安陵鄆陵今東京縣輿地廣記本鄭地戰國謂之安陵漢屬潁川

唐屬許州梁屬開封府

### 地理通釋

卷之九  
二十三

汲古閣

### 葉陽 高陵

括地志葉陽今許州葉縣

今屬汝州

高陵今京兆府

縣漢屬左馮翊地理志魏地其界自高陵以東

謂京兆之高陵

### 南國

周紀注江漢之間又曰南陽也此時屬韓

正義云在

南魏之

### 西河 河西



無忌曰異日秦在河西正義云同州按秦紀繆

公送夷吾夷吾謂曰誠得立請割晉之河西八

城與秦背約不與戰於韓虜晉君以歸夷吾獻

河西地是時秦地東至河秦數易君晉復強奪

秦河西地正義云前八城孝公元年下令曰三晉攻奪

我河西地獻公欲東伐復穆公之故地於是出兵東圍

陝城十一年東地渡洛賈生過秦曰商君佐之拱手而取西河之外惠王六年魏

納陰晉正義華陰縣八年魏納河西地正義同丹二州十年

地理通釋 卷之九 二十四 汲古閣

魏納上郡十五縣正義今鄜綏等州盡河西瀆洛之地矣魏世家

襄王五年予秦河西地正義自華州北至同州戰國策摻

留謂韓王曰魏兩用犀首張儀而西河之外亡

呂氏曰孝公取河西地蓋商鞅之力至是盡得河西地則犀首張儀之力也吳起守

西河而秦兵不敢東鄉正義云西河今汾州武侯浮西河

而下正義卽龍門西河呂氏春秋吳起去西河而泣曰

君誠知我而使我畢能秦必可亡而西河可以

王今君聽讒人之議而不知我西河之爲秦也

不久矣吳起果去魏入荆而西河畢入秦魏日

以削秦日益大韓信傳涉西河正義云卽同州龍門河從夏陽度者記檀弓

子夏老於西河之上注西河龍門至華陰之地齊語西征攘白翟之地至于西河注白翟之

西

### 林鄉

正義徐廣云在宛陵戰國策芒卯曰秦之所欲於魏者長羊王屋洛林之

地也劉伯莊云春秋時鄭地之棗林在大梁之西

北左傳注宛陵縣東南有林鄉括地志宛陵故城在鄭州新鄭縣東北三十八里本鄭舊縣

### 地理通釋

卷之九 二十五

汲古閣

蘇代曰兵困於林中林鄉

### 囿中

索隱曰卽囿田鄭藪屬魏輿地廣記開封府中

牟縣有囿田澤爲豫州之藪中牟唐屬鄭州正義云囿

劉伯莊音囿括地志囿田澤在鄭州管城縣東三里按戰國策魏有梁囿温囿

### 文臺

括地志在曹州冤句縣今與仁府冤亭縣西北六十五

里索隱云列士傳隱陵君施酒文臺

垂都

郡國志濟陰郡句陽有垂亭

左傳隱八年遇于垂京相璠曰句陽

縣小成陽東五里有垂亭句陽故城在今興仁府乘氏縣西

陶衛

正義陶定陶

今廣濟軍定陶縣田齊世家蘇代曰有陶平陸梁門不開卽穰侯所

封衛楚丘

今開德府衛南縣秦紀始皇六年拔衛迫東郡其君角徙居野王阻其山

以保魏之河內

呂氏春秋云舉陶削衛地方六百

韓非子曰

魏安釐王攻趙救燕取地河東攻盡陶魏之地加兵於齊私平陸之都攻韓拔管勝於淇下睢

地理通釋

卷之九 二十六

汲古閣

陽之事荆軍老而走蔡召陵之事荆軍破兵四布於天下威行於冠帶之國管故管叔所都

平監

徐廣曰平縣屬河南

括地志故平縣城在洛州偃師縣西北二十五里今

河南府正義兖州平陸縣今鄆州中都縣東平府

史記齊闕止作監字

闕在東平須昌縣

今鄆州須城正義故闕城在平陸縣西南四十里郡

國志東平東平陸縣有闕亭氏曰須昌縣東南有闕城

封禪書蚩尤在東平陸監鄉齊之西境也索隱監音闕皇覽

云蚩尤冢在東平郡壽張縣闕鄉城中

山南山北河外河內

正義山華山也華山之東南七國時鄧州屬韓  
汝州屬魏華山之北同華銀綏並魏地河外謂  
華州以東至獬陝河內謂蒲州以東至懷衛

呂氏

曰山南山  
北指大行

### 嶺阨

索隱云蓋安邑之東山領險阨之地即今蒲州  
之中條已東連汾晉之嶮嶷是也通典汾州靈  
石縣東南有高壁嶺雀鼠谷汾水關皆險固之

### 地理通釋

卷之九  
二十七

汲古閣

處郡縣志河中府元載上建中都議曰有羊腸

底柱之險濁河孟門之限以輾轅爲襟帶與關

中爲表裏

或云江融設險圖之首篇也羊腸在  
潞州壺關縣東南一百六里孟門在

慈州文城縣西南三  
十六里即龍門上

雷首山一名中條在河東

縣南十五里

漢蒲  
坂縣

左傳晉表裏山河

外河  
內山

林氏

曰國險而多馬三家之所以分晉也曲沃之民

知有曲沃不知有宗國欒氏之民知有欒氏不

知有其君三家又可知矣故河北之地善用之

則爲王伯之資不善用而失之則爲寇叛之資  
唐之中世三鎮以河北叛二百餘年不能取

韓

蘇秦說韓宣惠王曰韓北有鞏洛成臯之固西有  
宜陽商阪之塞東有宛穰洧水南有陘山地方九

百餘里

大王事秦秦必求宜陽成臯

司馬錯欲伐蜀張儀曰

不如伐韓

親魏善楚下兵三川塞什谷之口

戰國

策云鞏鞏緱氏之口

當屯留之道魏絕南陽楚臨南鄭秦攻

地理通釋

卷之九 二十八

汲古閣

新城宜陽以臨二周之郊

張儀說韓王曰秦下

甲據宜陽斷韓之上地東取成臯榮陽則鴻臺之

宮桑林之苑非王之有也夫塞成臯絕上地則王

之國分矣 蘇代約燕王曰秦正告韓曰我起乎

少曲一日而斷太行我起乎宜陽而觸平陽二日

而莫不盡繇我離兩周而觸鄭五日而國舉韓氏

以爲然故事秦 范雎謂秦昭王曰韓魏中國之

處而天下之樞也 秦韓之地形相錯如繡秦之

有韓也譬如木之有蠹也人之有心腹之病也天下無變則已天下有變其爲秦患者孰大於韓乎王不如收韓 王下兵而攻滎陽則鞏成臯之道不通北斷太行之道則上黨之師不下王一興兵而攻滎陽則其國斷而爲三夫韓見必亡安得不聽乎 戰國策傾子曰韓天下之咽喉魏天下之胷腹

鞏洛

地理通釋

卷之九  
二十九

汲古閣

周地

今河南府鞏縣洛陽縣

左傳昭二十六年晉師克鞏

周紀惠公封其少子於鞏徐廣曰周比亡之時

凡七縣河南洛陽穀城平陰偃師鞏緱氏秦紀

莊襄王元年東周君盡入其國韓獻成臯鞏秦

界至大梁初置山川郡

漢更曰河南

地理志河南有

雒陽縣

是爲成周鞏縣所居

成臯

通典今汜水唐屬孟州戰國策三晉分智氏地

段規謂韓王曰分地必取成臯韓王曰成臯石  
澗之地也無所用之段規曰不然一里之厚而  
動千里之權者地利也萬人之衆而破三軍者  
不意也王用臣言則韓必取鄭矣王曰善取成  
臯至韓之取鄭果從成臯始韓哀侯二年滅鄭今按晉  
楚之霸也爭鄭秦之并六國也始於韓以虎牢

成臯之險也秦拔成臯榮陽十九年而韓亡

李斯

曰惠王用張儀之計東據成臯之險今按張儀之脅楚曰秦下甲據宜陽韓之上地不通下河

地理通釋

卷之九  
三十

汲古閣

東取成臯韓必入臣是時秦未取成臯也秦紀韓獻成臯在莊襄王元年

宜陽

六國表秦惠文三年拔韓宜陽韓昭侯二十一年秦武

王四年拔宜陽城韓襄王五年漢屬弘農郡正義在

洛州河南府福昌縣東十四里通典故韓城在縣

東縣城卽魏一金塢城東南北三百峭絕天險後周重兵於此以備高

齊井茂傳秦武王謂曰欲容車通三川以窺周

室茂曰宜陽大縣也上黨南陽積之久矣名曰

縣其實郡也

戰國策周君曰宜陽城方八里材士十萬

今王倍數險

行千里攻之難王使茂將兵伐宜陽五月而不

拔大兵起拔之

地理志西接弘農得新安宜陽皆韓分也蘇秦說趙曰韓弱則

效宜陽宜陽效則上郡絕呂氏曰鼂池二殺皆在境內蓋控扼之地也

商阪

戰國策作常阪

正義卽商山也在商州商洛縣南一里亦曰楚

山武關在焉通典商州上洛縣有商山

亦名地肺山

四皓所隱其地險阻王莽命王級曰繞雷之固

地理通釋

卷之九三十一

汲古閣

南當荆楚

言四面塞阨屈曲水回繞如屋雷卽今七槃十二綽郡縣志卽晉陰地也

史記六國表秦孝公十一年城商塞

韓世家甘茂與昭魚

遇於商於商君封於商張儀欺楚以商於之地於林在鄧州內鄉縣商卽商洛地理志弘農商

縣衛

戰國策楚魏戰於陘山魏許秦以上洛以

絕秦於楚

地理志上雒縣屬弘農秦隱商阪蓋商洛之間適秦楚之險塞 通典

宜陽商阪卽今福昌山及商山

宛穰

南陽二縣地理志宛故申伯國

西通武關東受江淮一都之會



也秦昭王十五年攻楚取宛韓釐今鄧州穰今鄧州穰縣戰國策王五年秦拔我宛今鄧州南陽縣謂穰侯曰君攻楚得宛穰以廣陶郡縣志本楚別邑取豐穰之義後屬韓秦武王攻取之封魏冉爲穰侯六國表韓襄王十一年秦取我穰按穰侯傳取楚之宛葉則宛亦屬楚

### 洧水

通典河南密縣有洧水鄭州新鄭有溱洧二水

水經出密縣馬領山

山在陽城縣東北

又東南流澮水

注之又東過鄭縣南澮水從西北來注之

郡縣志引

蘇秦曰東有穰洧洧水東去南陽縣三里地理志弘農盧氏縣有洧水南至順陽入洧

### 地理通釋

卷之九 三十二

汲古閣

### 陘山

通典今密縣山楚世家齊桓公以兵侵楚至陘

山括地志在鄭州新鄭縣西南三十里

在鄭州西南一

百一魏伐楚敗之陘山徐廣曰在密縣蘇秦說

楚曰北有陘塞

戰國策秦攻陘使人馳南陽之地山海經少陘之山器難之水

山焉太平御覽舊傳器難之水卽索木少陘山一曰嵩諸山俗名周山在滎陽縣三十五里唐

志許州長葛縣有小陘山

### 三川

韋昭曰河洛伊曰三川

秦置三川郡

周東都也

呂氏曰三

川郡在今爲衛懷孟開封鄭河南汝陝號拱之地

### 什谷之口

郡國志河南鞏縣有尋谷水徐廣云什一作尋

成臯鞏縣有尋口尋什聲近故其名異水經洛

又東北流入于河注云山海經曰洛水成臯西

入河是也謂之洛汭卽什谷之口

南鄆亦曰上鄆鄆水出北

山鄆溪其水南流世謂之温水故鄆城在鞏縣西南五十八里京相璠曰今鞏洛渡北有水鄆

### 地理通釋

卷之九 三十三

汲古閣

谷東入洛謂之下鄆亦謂北鄆括地志溫泉水卽尋源出鞏縣西南四十里

郡縣志

河南府鞏縣洛水東經洛汭北對琅邪渚入河

謂之洛口亦名什谷

塞什谷之口卽此也

### 鞏轅緱氏

郡縣志河南府緱氏縣

今省入偃師縣

古滑國

緱氏山在縣東

南二十里鞏轅山在縣東南四十六里

正義鞏轅故關在緱

氏縣南

左傳欒盈過周王使候出諸鞏轅注曰

緱氏縣東南有鞏轅關

道路險隘凡十二曲將去復還故曰鞏轅後漢

河南尹何進所置八關此其一也陸機洛陽記  
洛陽四關南有轅轅白起傳昭王四十六年秦  
攻韓緄氏葡拔之漢高帝從轅轅至陽城樊噲  
攻轅轅正義云在緄氏東南三十里淮南王安  
曰塞轅轅  
伊闕之道

### 屯雷之道

正義屯

音純

雷潞州縣也

地理志縣屬上黨

道卽太行羊

腸阪道也

潞州壺關縣有羊腸阪王莽命王嘉曰羊頭之阨北當燕趙

括地

志屯雷故城在潞州長子縣東北三十里

左傳襄十

八年晉人執孫蒯于純雷三晉徙靖公於屯雷

### 地理通釋

卷之九三十四

汲古閣

### 南鄭

戰國策注今河南新鄭今鄭州新鄭縣正義云

令楚兵臨鄭南塞轅轅郟口斷韓南陽之兵

### 新城

郡縣志河南府伊闕縣古戎蠻子國漢爲新城

縣

隋改伊闕

伊闕山在縣北四十五里兩山相對望

之若闕伊水流其間故名

伊闕故關在縣北四十五里何進八關之

一秦紀白起攻新城敗韓魏於伊闕

滎陽

鄭地屬韓通典鄭州滎陽縣故號國所謂秦置

敖倉楚漢戰京索間是也

鴻臺宮桑林苑

韓之宮苑

徐廣曰桑一作栗今按湯旱禱於桑林之社莊子栗林虞人其地未詳

少曲

索隱云地近宜陽劉氏以為蓋在太行西南范

睢傳秦昭王四十二年東伐韓少曲高平拔之

地理通釋

卷之九  
三十五

汲古閣

正義括地志高平故城在懷州河陽縣西北四

十里俗謂之韓王城非也周桓王以與鄭竹書

紀年云魏襄王四年鄭侯使辰歸晉陽向更名

陽為河雍向為高平則少曲當與高平相近蘇代

曰已得宜陽少曲致藺石水經注康溝又東逕扶溝縣之

白亭北又東逕少曲亭陳留風俗傳曰尉氏縣

今東有少曲亭俗謂小城

太行

正義太行山羊腸坂道北過兩上黨韓世家秦  
擊我於太行上黨降趙

戰國策曰一軍臨滎陽一軍臨太行則韓請效

上黨之地

### 平陽

韓世家貞子徙居平陽

世本作景子徙

正義晉州城地

理志河東平陽縣堯都也在平河之陽

今晉州臨汾縣

括地志晉州城因平陽城東面爲之

### 上黨 上地

地理通釋

卷之九  
三十六

汲古閣

戰國策周最曰秦盡韓魏之上黨太原秦地天下之半也制齊楚三晉之命犀武敗於伊闕周君之魏求救魏王以上黨之急辭之綦母恢見魏王曰秦悉塞外之兵與周之衆以攻南陽而兩上黨絕矣樊餘謂楚王曰韓兼兩上黨以臨趙卽趙羊腸以上危 按大事紀秦昭王十四年韓魏攻秦白起敗之於伊闕又涉河取韓安邑以東至乾河

正義源出絳州絳縣東南穀山南流注河是水冬乾夏流 四

十五年白起拔韓野王絕上黨道

野王懷州河內縣太行山

在西韓獻上黨於秦上黨守馮亭以郡降趙

趙世

家馮亭入城

四十七年秦王齧攻上黨拔之四

十八年白起分軍為三使王齧拔趙武安

正義故城

在洛州武安縣西南

皮牢

與武安相近

司馬梗北定

太原盡有上黨地莊襄王三年王齧攻上黨諸

城悉拔之初置太原郡

戰國策所謂兩上黨者蓋在韓魏之間猶安邑

魏地而云取韓安邑也上地上黨之地也荀子曰韓之上地方數百里而趨趙趙不能凝也

地理通釋

卷之九 三十七

汲古閣

故秦奪之

後魏地形志上黨郡秦置治壺關城漢治長子城

蘇代曰龍賈之

戰魏襄王五年秦

岸門之戰

韓宣惠王十七年秦大破我岸門

封陵之戰

魏哀王十六年秦敗我封陵

高商之戰

此戰事不見趙

莊之戰

趙肅侯二十二年趙莊與秦戰敗秦殺趙莊河西

秦之所殺三

晉之民數百萬今其生者皆死秦之孤也西河

之外上碓之地三川晉國之禍三晉之半秦禍

如此其大也

何氏論曰六國之勢莫利於為從莫害於為衡

六國固嘗收合從之利矣然而終敗於爲衡之  
害者其禍在於自戰其所可親而忘其所可讎  
故也齊楚自恃其強有包吞燕趙韓魏之志而  
緩秦之禍燕趙韓魏自懲其弱有疑惡齊楚之  
心而脅秦之威是以衡人得而因之散敗從約  
曾不知齊楚雖強不足以致秦之畏而其所甚  
忌者獨在乎韓魏也韓魏者秦之錯壤也秦兵  
之加韓魏也戰於百里之內其加於四國也戰

地理通釋

卷之九  
三十八

汲古閣

於千里之外韓魏之致秦兵近在乎一日之間  
而其待諸侯之救乃在乎三月之外秦攻韓魏  
旣勝而歸休兵則四國之乘敝者尚未及知也  
四國誠能歲各更其國之一軍命一偏將提之  
以合戍韓魏而佐其勢則是六國之師日萃於  
韓魏之郊仰關而伺秦秦誠勇者雖日辱而招  
之固不輕出而以腹背支敵矣蓋蘇秦不獲終  
見信於六國而張儀之志獨行於秦此六國之

所以見并於秦也林氏曰六國并於秦者蓋秦  
知天下之勢而六國不知故也秦之所以知之  
者其謀出於范雎遠交近攻之策取韓魏以執  
天下之樞也欲平天下者必先知難易之勢唐  
憲宗欲平藩鎮張弘靖以爲先淮蔡而後恒冀  
周世宗欲平天下王朴以爲先江南而後河東  
呂氏曰秦并六國始於韓者蓋李斯之策也杜  
牧曰秦萃銳三晉經六世乃能得韓遂折天下

地理通釋

卷之九  
三十九

汲古

春復得趙因拾取諸國



通鑑地理通釋卷第十

七國形勢攷下

齊

管仲曰賜我先君履東至于海西至于河南至于  
穆陵北至于無棣 蘇秦說齊宣王曰齊南有泰  
山東有琅邪西有清河北有渤海此所謂四塞之  
國也齊地方二千餘里帶甲數十萬粟如丘山三  
軍之良五家之兵進如鋒矢戰如雷霆解如風雨  
即有軍役未嘗倍泰山絕清河涉渤海也臨菑之  
中七萬戶臣竊度之不下戶三男子三七二十一  
萬不待發於遠縣而臨菑之卒固已二十一萬矣  
韓魏之所以重畏秦者爲與秦接境壤界也兵出  
而相當不出十日而戰勝存亡之機決矣韓魏戰  
而勝秦則兵半折四境不守戰而不勝則國以危  
亡隨其後是故韓魏之所以重與秦戰而輕爲之  
臣也今秦之攻齊則不然倍韓魏之地過衛陽晉

地理通釋

卷之十

汲古閣



之道徑乎亢父之險車不得方軌駒不得比行百人守險千人不敢過也秦雖欲深入則狼顧恐韓魏之議其後也是故恫疑虛喝驕矜而不敢進則秦之不能害齊亦明矣 荀卿子說齊相曰今巨楚縣吾前大燕鱗吾後勁魏鈎吾右西壤之不絕若繩楚人則有襄賁開陽以臨吾左是一國作謀則三國必起而乘我如是則齊必斷而爲四三國若假城然耳 燕王曰吾聞齊有清濟濁河可以

地理通釋

卷之十

汲古閣

爲固長城鉅防足以爲塞誠有之乎蘇代對曰天時不與雖有清濟濁河惡足以爲固民力罷敝雖有長城鉅防惡足以爲塞且異日濟西不師所以備趙也河北不師所以備燕也今濟西河北盡已役矣封內敝矣 春申君說秦昭王曰齊南以泗水爲境東負海北倚河而無後患 韓非初見秦曰往者齊南破荆東破宋西服秦北破燕中使韓魏土地廣而兵強戰尅攻取詔令天下齊之清濟

濁河足以爲限長城巨防足以爲塞齊五戰之國也一戰不尅而無齊田肯曰齊東有琅邪卽墨之饒南有泰山之固西有濁河之限北有勃海之利地方二千里持戟百萬縣隔千里之外齊得十二焉此東秦也

穆陵 無棣

唐志沂州沂水縣北有穆陵關郡縣志通典有穆陵山在沂水縣北一百九十里滄州鹽山縣

地理通釋

卷之十

汲古閣

本齊無棣邑

漢高城縣通典古齊境

滄州無棣縣南臨無

棣溝因爲名

漢陽信縣地隋置無棣縣

水經注清河又東北

無棣溝出焉東逕南皮縣故城南京相璠曰舊說無棣在遼西孤竹縣

泰山

齊世家齊自泰山屬之琅邪北被于海膏壤二千里貨殖傳泰山其陽則魯其陰則齊

琅邪

山海經云琅邪臺在勃海間琅邪之東

其北有山注云

琅邪在海邊有山嶠曉特起狀如高臺

括地志密州諸城縣東南

百七十里有琅邪臺越王句踐觀臺也琅邪山

在縣東南百四十里始皇立層臺於山上孟子

齊景公問晏子曰吾欲觀於轉附朝儻遵海而

南放于琅邪注琅邪齊東南境上邑管子戒篇

桓公將東游問於管仲曰我游猶軸轉斛南至

琅邪地理志琅邪縣越王句踐嘗治此起館臺

地理通釋

卷之十

汲古閣

後漢注琅邪郡有琅邪山故城在今海州朐山縣東北子虛賦齊東階鉅海南有琅邪輿地廣

記漢琅邪縣在密州諸城縣東境越王句踐欲霸中國徙都於此起觀臺於山上周七里以

望東海秦始皇置琅邪郡東遊登山大樂之畱三月漢武帝亦登焉秦紀始皇作琅邪臺立石

刻頌秦德

清河

漢置清河郡治清陽縣後漢省之安帝改曆曰

甘陵為清河國治桓帝改國曰甘陵魏復故晉

改甘陵縣曰清河後周置貝州宋改恩州通典

春秋屬齊後屬晉七國屬趙地理志趙東有清河齊北有清河以南水經注地理風俗志曰甘陵郡東南十七里有清河故城世謂之鵠城清河又東北逕清陽縣故城西漢高帝置清河郡

治此

景帝封子乘爲王

### 渤海

漢置渤海郡今滄棣霸濱諸州之地宋文帝置樂陵郡孝武分置渤海郡後魏改渤海爲滄水

地理通釋

卷之十五

汲古閣

置滄州通典爲齊趙二國之境無棣縣齊境北至無棣在此地理志齊北有渤海之高樂高城重合陽信趙得渤海郡之東平舒中邑文安束州成平章武河以北

### 臨甯

齊國都也地理志屬齊郡

今青州

臨甯名營丘故

齊詩曰子之營兮遭我虜囷之間兮

毛詩作還齊詩作營

臨甯在岱之間一都會也其中具五民

五方之民

水出泰山萊蕪縣兗州原山詩正義云今齊之城

內有丘卽營丘也淄水過其南及東以丘臨水

謂之臨淄郡縣志雪宮故趾在臨淄縣東北六里晏子春秋齊侯見晏子于雪宮

括地志青州臨淄縣卽古臨菑一名齊城古管丘之地項羽封

田都爲齊王於此營丘在縣北百步外城中天

齊池在縣東南十五里齊以天齊淵名漢主父

偃言齊臨菑十萬戶市租千金人衆殷富鉅於

衛陽晉之道

地理通釋

卷之十

汲古閣

張儀說楚曰秦下甲攻衛陽晉必大關天下之

句正義衛地曹濮等州也陽晉在曹州乘氏縣

西北三十七里索隱陽晉魏邑也蓋適齊之道

在衛國之西南魏哀王十六年秦拔陽晉秦昭王曰吾愛宋與愛新城陽晉同

蘇秦說趙曰據衛取淇則齊必入朝秦水經注陽晉城在廩丘城東南十餘里與都關爲左

右

亢父之險

漢縣屬東平國正義故縣在兗州任城縣今屬濟州

南五十一里 漢高帝紀沛公還軍亢父光 呂布

攻鄆城不能下西屯濮陽曹操曰布一旦得一

州不能據東平斷亢父泰山之道乘險要我而

乃屯濮陽吾知其無能為也 魏志

### 襄賁開陽

二縣地理志屬東海郡 賁音肥 輿地廣記襄賁縣

廢入沂州臨沂縣故城在縣南開陽本郵國春

秋叔孫州仇城啓陽是也 漢避景帝諱改為開 後廢入臨

地理通釋 卷之十 汲古閣

沂故城在縣南 水經注魯連子稱陸子謂齊湣王曰魯賁之衆臣甲舍于襄賁

後漢注開陽故城在今臨沂縣北

### 清濟 濁河

左傳哀十一年齊伐我及清注濟北盧縣東有

清亭齊語桓公正封疆地南至于陶陰西至于

濟北至于河東至于紀鄆水經濟水自魚山北

逕清亭東注云京相璠曰今濟北東阿東北四

十里有清亭春秋所謂遇于清也水色清深馬

頰水東注于清濟謂之馬頰口清濟卽此水也

蔡氏曰李賢謂濟自鄭以東貫滑曹鄆濟齊青

以入于海樂史謂今東平濟南淄州北海界中

有水流入海謂之清河

沈氏謂濟水伏流地中東阿亦濟所經井水清

而孟康曰齊西有平原

德州

河水東北過高唐

傳州

卽平原也

孟津號黃河故曰濁河正義云濟潔二水

上承黃河並淄青之北流入海黃河又一源從

洛魏二州界北流入海亦齊西北界

地理通釋

卷之十

汲古閣

長城鉅防

齊記云齊宣王乘山嶺之上築長城東至海西

至濟州千餘里以備楚括地志長城西北起濟

州平陰縣緣河歷泰山北岡上經濟州淄州卽

西南兖州博城縣北東至密州琅邪臺入海郡

國志濟北盧縣有平陰城有防門

左傳襄十八年齊禦晉平

陰塹防門杜氏云在縣北巨防卽防門

有長城至東海正義長城

西在濟州平陰縣界

平陰後屬鄆州

竹書紀年梁惠成



王二十年齊閔王築防以爲長城泰山紀云秦

山西有長城緣河經泰山餘千里至琅邪臺入

海郡縣志故長城首起鄆州平陰縣北一十九里齊愍王所築輿地廣記鄆州平陰縣漢盧

縣地唐屬濟州又淄州淄川縣古齊長城楚世家還蓋長城以爲防外紀威烈王十六年王命

韓趙伐齊入長城左傳防門注平陰城左濟北盧縣東北其城南有防防有門世家趙人歸我

長城在威王時郡縣志平陰故城在平陰縣東北三十五里

### 泗水

出兗州今襲慶府泗水縣至淮陽宿遷縣入淮淮南

### 地理通釋

卷之十  
九

汲古閣

訓時泗沂出臺台浙山名

### 卽墨

郡縣志故城在萊州膠水縣東南六十里本漢

舊縣田單守卽墨破燕軍盡復齊地項羽徙齊

王田市爲膠東王都此漢屬膠東北齊併入膠

水隋復置屬萊州城臨墨水故曰卽墨田肯謂

琅邪卽墨之饒顏氏云二縣近海財用所出蘇秦

說趙曰齊必致魚鹽之海戰國策齊王建入朝於秦卽墨大

夫入見齊王曰齊地方數千里帶甲數百萬三  
晉大夫皆不便秦而在阿鄆之間者百數王收  
而與之百萬之衆使收三晉之故地卽臨晉之  
關可以入矣同州朝邑縣有蒲津關秦臨晉縣鄆郢大夫不欲  
爲秦而在城南下者百數王收而與之百萬之  
師使收楚故地卽武關可以入矣如此則齊威  
可立秦國可亡齊王不聽

河北

地理通釋

卷之十  
十

汲古閣

正義謂滄博等州在漯河之北

楚

蘇秦說楚威王曰楚天下之疆國也西有黔中巫  
郡東有夏州海陽南有洞庭蒼梧北有陘塞郢陽  
地方五千餘里 大王不從秦必起兩軍一軍出  
武關一軍下黔中則鄆郢動矣 張儀說楚王曰  
秦西有巴蜀大船積粟起於汝山浮江已下不至  
十日而距扞關扞關驚則從竟陵以東盡城守矣

黔中巫郡非王之有秦舉甲出武關南面而伐則  
北地絕秦兵之攻楚也危難在三月之內而楚待  
諸侯之救在半歲之外此其勢不相及也 蘇代  
約燕王曰秦之行暴正告天下告楚曰蜀地之甲  
乘船浮於汶乘夏水而下江五日而至郢漢中之  
甲乘船出於巴乘夏水而下漢四日而至五渚寡  
人積甲宛東下隨智者不及謀勇士不及怒寡人  
如射隼矣王乃欲待天下之攻函谷不亦遠乎楚

地理通釋

卷之十  
十一

汲古閣

王爲是故十七年事秦 荀子議兵曰汝潁以爲  
險江漢以爲池限之以鄧林緣之以方城然而秦  
師至而鄢郢舉若振槁然是豈無固塞隘阻也哉  
其所以統之者非其道故也 淮南兵畧訓曰楚

地南卷沅湘北繞潁泗西包巴蜀東裹郟淮潁汝  
以爲洧江漢以爲池垣之以鄧林繇之以方城山  
高尋雲谿肆無景 戰國策曰楚苞九夷又方千  
里南有符離之塞北有甘魚之口

黔中

正義今朗州楚黔中郡漢更名武陵今常德府括地

志云故城在辰州沅陵縣西二十里今黔府亦

其地楚世家秦留懷王要以割巫黔中之郡項襄王二十二年秦拔我巫黔中郡通典

黔州古蠻夷之地秦惠王欲楚黔中地以武關外易之卽此是也楚辭注在隋辰陽淑浦皆在

辰州

巫郡

括地志在夔州東通典夔州巫山縣楚置巫郡

地理通釋

卷之十  
十二

汲古閣

秦漢爲南郡巫郡故城在今縣北巫山在西南

夏州

左傳宣十一年楚復封陳鄉取一人焉以歸謂

之夏州杜氏云州鄉屬示討夏氏所獲徐廣曰楚考烈王元年

秦取夏州裴駟案左傳注不說夏州所在車胤

撰桓溫集云夏口城上數里有洲名夏州正義

云大江中州也夏水口在荊州江陵縣東南二

十五里楚辭過夏首而西浮夏水口也背夏浦而西

**息** 左傳沈尹戌奔命於夏汭遠射以繁揚之師會於夏汭杜氏曰漢水曲入江今夏口也通  
典荆州江陵縣有夏水口左傳夏汭也郡縣志鄂州春秋時謂之夏汭漢爲沙羨東境後漢末謂之夏口亦名魯口林氏曰莊以勤興平以怠亡懷以愚爲秦誘頃襄以弱爲秦脅

### 海陽

**劉氏云楚之東境** 正義未詳楚威王六年敗越盡取吳故地至浙江左傳

楚奄征南海

### 洞庭

**索隱今青草湖正義洞庭湖在岳州巴陵縣西**

### 地理通釋

卷之十三

汲古閣

**南一里又有洞庭山名君山在湖中心吳起曰**

**三苗氏左洞庭右彭蠡韓非初見秦曰秦與荆**

**人大戰大破荆襲郢取洞庭五湖江南** 後漢南蠻傳云

吳起相悼王南并蠻越遂有洞庭蒼梧

### 蒼梧

**正義蒼梧山在道州南** 索隱地理志有蒼梧郡山海經注卽九疑山

也漢書注文頰曰九疑山半在蒼梧半在零陵 **檀弓舜葬於蒼梧之野**

注舜征有苗而死因畱葬焉蒼梧於周南越之地今爲郟史記舜南巡狩崩 梧之野葬於

江南九疑是爲零陵山海經南方蒼梧之丘蒼梧之淵其中有九疑山注云山今在零陵營道縣南道州寧遠縣有九疑山其山九谿相似

### 涇塞 汾涇之塞

戰國策云北有汾涇之塞徐廣云春秋齊伐楚

次于涇

杜氏云潁川召陵縣南有涇亭

楚威王十一年魏敗楚

涇山在密縣正義涇山在鄭州新鄭縣西南三

十里楚世家魏取我涇山今按涇塞其說有三

山海經有少涇之山太平御覽謂在滎陽則正

### 地理通釋

卷之十四

汲古閣

義新鄭近之滎陽春秋爲鄭戰國爲韓蓋南北之隘道楚爲塞以禦北方故蘇秦於韓曰南有

涇山於楚曰北有涇塞其地一也楚漢之際亦

於此決勝負焉左傳楚子庚治兵於汾注云襄

城縣東北有汾丘城今襄城屬汝州汾涇之塞

蓋在汝鄭二州

密縣今屬鄭州召陵今在潁昌府鄆城縣

林氏曰

楚有圖北方之志其君多居于申大合諸侯又

在焉申卽宛也

今鄧州南陽縣杜氏曰申在方城內故言入

郇陽

漢地理志漢中甸陽縣

北山甸水所出南入沔  
鄠商攻甸關正義云漢

中甸水上之關在  
水經漢水東合甸水

輿地廣記金州洵陽縣

後漢省晉復  
置屬魏興郡

按金州後漢末為西城郡魏得之

改魏興申儀為太守屯洵口

水經注甸水東  
南注漢之甸口蜀

蔣琬欲由漢沔襲魏興今屬利州路南蔽夔峽

西接梁洋為控扼之地蘇秦所謂郇陽即洵陽

也

郇甸洵  
三字通

徐廣以為順陽

故城在鄧  
州穰縣西

索隱以為

地理通釋

卷之十  
十五

汲古閣

新陽

故城在蔡州  
真陽縣西南

皆非也又按楚世家懷王二

十五年與秦盟黃棘秦復與楚上庸

正義括地  
志云今房

州竹山縣  
及金州是

頃襄王十九年割上庸漢北地予秦

正義謂割金房均三州及漢水之北蘇代云殘

均陵塞鄢隘

正義均州故城在  
隨州西南五十里

楚割上庸之明

年秦拔西陵又一年拔郢

趙氏曰楚莫盛於

莊盛之極衰之倚也楚與秦疆不相下也滅庸

而秦從師自莊始與吳越邈不相及也滅舒蓼

而吳越受盟自莊始孰知異時之秦拔武關取  
上庸卽今日之故道異時之吳舍舟于淮汭潛  
師于巢爲亡郢之張本

### 郢都

楚人對頃襄王曰秦左臂據趙之西南右臂傳

楚郢都膺擊韓魏垂頭中國處旣形便勢有地

利正義郢故城在襄州率道縣今襄陽府宜城縣南九

里郢城在荊州今江陵府江陵縣東北六里秦兵出

### 地理通釋

卷之十  
十六

汲古閣

武關則臨郢矣下黔中則臨郢矣地理志南郡

宜城故郢左傳王公夏將欲入郢注云順漢水南至郢江陵故楚郢

都楚文王自丹陽歸州秭歸縣東有丹陽城熊繹始封徙此後九

世平王城之後十世秦拔郢徙陳郢都西通巫

巴東有雲夢之饒亦一都會也南豐曾氏曰荆

及康狼楚之西山也水出二山之間東南而流

春秋之世曰隰水左丘明傳魯桓公十有三年

楚屈瑕伐羅及隰亂次以濟是也其後曰夷水



水經所謂漢水又南過宜城縣東夷水注之是也又其後曰蠻水酈道元所謂夷水避桓溫父名改曰蠻水是也秦昭王二十八年使白起將攻楚去陽百里立鳩壅是水爲渠以灌陽陽楚都也遂拔之秦旣得陽以爲縣漢惠帝三年改曰宜城宋孝武帝永初元年築宜城之大隄爲城今縣治是也而更謂陽曰故城陽入秦而白起所爲渠迄不廢引陽水以灌田今長渠是也

地理通釋

卷之十  
十七

汲古閣

胡文定公曰荆渚江左上流也故楚子自秭歸徙都日以富彊近并穀鄧次及漢東下收江黃橫行淮泗遂兼吳越傳六七百年而後止此雖人謀亦地勢使然也後逮漢衰劉表牧之坐談西伯先主假之三分天下關羽用之威震中華孫氏有之抗衡曹魏晉宋齊梁倚爲重鎮財賦兵甲當南朝之半其爲江東屏蔽猶虞虢之有下陽也林氏曰江陵郢也襄陽鄢也自江陵而

圖北方必經襄陽襄陽楚之北津也

屈原京郢曰顧龍門

而不見孰兩東門之可蕪注云楚都南門三門一名龍門一名脩門兩東門郢都東關有二門也呂氏曰鄂楚之別都也水經注江陵西北有紀南城楚文王自丹陽徙此平王城之班固言楚之郢都也

### 汶山

地理志蜀郡湔氏道嶧山在西徼外江水所出

東南至江都入海

山海經岷山江水出焉

輿地廣記在茂

州汶

古岷字

山縣西北俗謂之鐵豹嶺禹之導江

### 地理通釋

卷之十 十八

汲古閣

發跡於此

河圖括地象曰岷山之精上為井絡故泉流深遠為四瀆之首水經注岷

山即瀆山也又謂之汶阜山益州記大江始發羊膊嶺下東南至白馬嶺歷天彭關

### 扞關

楚世家肅王四年蜀伐楚取茲方

正義云古今名云荊州松

滋縣於是楚為扞關以距之郡國志巴郡魚復縣

有扞關

地理志魚復江關

李熊說公孫述曰東守巴郡

拒扞關之口

注故基在今峽州巴山縣

正義華陽國志云巴

楚相攻伐故置江關陽關括地志陽關今涪州

永安縣治陽關城也

永安省入樂溫縣

扞關今峽州巴

山縣界故扞關是

巴山省入夷陵縣

江關今夔州魚復

縣南二十里江南岸白帝城是

魚復今奉節縣

後漢岑

彭傳公孫述遣將乘枋單下江關注云舊在赤

甲城後移在江南岸對白帝城故基

在今魚復縣南輿地

廣記魚復縣故城在奉節縣北今名赤甲城有古扞關水經江水自關東逕弱關扞關注扞關

廩君浮夷水所置也弱關在建平秭歸界管巴楚數相攻伐籍險置關以相防捍

### 竟陵

### 地理通釋

卷之十九

汲古閣

漢屬江夏

鄖鄉楚鄖公邑封關辛於此

越世家竟陵澤楚之

材也輿地廣記復州景陵縣秦白起攻楚拔郢

東至竟陵

石晉改景陵

晉竟陵郡治沔陽縣

水經注中水西

逕竟陵縣北西逕楊水謂之巾口水西有古竟陵大城古鄖國也郡縣志舊縣在今鄖州長壽

縣界竟陵大城是也晉分江夏西部置竟陵郡後周以其地置鄖復二州

### 汶巴

地理志蜀郡有汶江縣

今茂州汶山縣

水經江水自天

彭闕東逕汶關而歷氏道縣北注汶出徼外

山西玉輪坂下郡縣志渝州古巴國今重慶府閬白

二水曲折如巴字故謂之巴正義巴嶺山在梁

州南一百九十里西南夷傳楚威王使莊蹻將

兵循江上略巴黔中以西劉伯莊云巴國在漢水上蘇代云

輕舟浮於汶乘舟出於巴謂汶江巴江也索隱汶即

江所出岷山巴水與漢水相近今按張儀說楚

謂方船積粟起於汶山循江而下至郢三千餘

里不至十日而距扞關蓋是時有韓魏以塞陸道故儀設水道以懼之

地理通釋

卷之十  
二十

汲古閣

羊祜請伐吳謂引梁益之兵水陸俱下崔仲方

論取陳謂蜀漢二江是其上流水路衢要必爭

之所彼聚兵漢口峽口則下流諸將擇便橫渡

如擁衆自衛上江水軍鼓行以前秦以此脅楚

晉以此取吳隋以此取陳然秦不敢泛江伐楚者水道危而扞關亦

難攻也

五渚

裴駟云戰國策秦破荆襲郢取洞庭五渚然則

五渚在洞庭索隱劉氏以爲五渚宛鄧之間臨

漢水不得在洞庭或說五渚卽五湖

戰國策五渚韓非子

作五湖水經注湘水沅水微水豐水凡此四水同注洞庭北會大江名之五渚

隨

今隨州左傳漢東之國隨爲大

楚武王克州蓼服隨唐昭王奔

隨春申君說秦曰韓魏必攻隨水右壤

戰國策云隨陽

正義楚都陳而隨故國在西南是楚之右壤

呂氏

曰楚武王經略漢東之初便欲滅隨後來反以厚意結隨以爲助使之勿救援小國故漢東之

地理通釋

卷之十一  
二十一

汲古閣

小國盡爲楚所滅而隨獨終春秋之世林氏曰楚得隨唐而蔡鄭始懼

汝潁

左傳楚文王縣申息朝陳

封畛於汝

郡縣志汝水出

汝州魯山縣一百五十里天息山釋例云汝出汝陽縣大孟山至汝陰襄信縣入睢

晉師

與楚師夾潁而軍

注云潁水出城陽至下蔡入淮郡縣志潁水出河南府潁

陽縣潁

淮南墜形訓汝出猛山

注一名高陵山在南定陵縣汝

乾山水所出東南至新蔡入淮

江漢

詩滔滔江漢南國之紀左傳楚漢水以爲池江

漢睢漳楚之望也楚世家先王受封望不過江

漢正義荆州大江漢江楚境內也土地名云江經南郡江夏弋

陽安豐漢經襄陽至江夏安陸縣入江漢水出武都至

江夏南入江黃氏云江水自茂州汶山縣至通

州海門縣入海漢水二源一源出秦州天水縣

謂之西漢水至恭州今重慶巴縣入江一源出

大安軍三泉縣謂之東漢水至漢陽軍入江江

漢至荆州合流左傳昭王之不復杜注昭王時

漢非楚境楚武王伐隨軍於漢淮之間吳伐楚

自豫章與楚夾漢林氏曰楚一失亡淮州

來鍾離再失於亡漢非上罪也

地理通釋卷之十一二十二

鄧林汲古閣

荀子曰楚界鄧地之山林淮南子注沔水上險

春申君曰夫隨陽右壤皆廣谷大水山林谿谷  
不食之地隨之西今鄧州之西其地  
多山林者是劉襄州南鳳林山是古鄧  
析侯之國在楚之云鄧林唐朱朴議遷都  
曰襄鄧之西夷漫其東與鳳林爲  
之關南蒟潭環屈而流西有上洛重山  
之險北有白崖聯絡乃形勝墟去  
秦咫尺而有上洛爲之限永無虞  
林氏曰申鄧者圖鄭之道所從出  
之道所從出陽穀城

方城

左傳方城以爲城注云方城山在南陽葉縣南

郡縣志在汝州葉縣西南十八里左傳葉在楚國方城外之

蔽也晉陽處父伐楚以救江門于方城荀偃伐楚侵方城之外淮南子九塞荆

阮方城皆在楚地理志葉縣有長城號曰方城

白起取楚之宛葉 林氏曰宛在方城內葉在方城之外外有方城內有冥阨而宛葉爲之表

裏朱文公曰荊州地執四平其守當在外楚人謂方城爲城漢水爲池是也水經注萬城或作

方唐勒奏上論曰楚世霸南土自越以至葉垂弘境萬里故號曰萬城

### 沅湘

#### 地理通釋

卷之十  
二十三

汲古閣

地理志沅湘出牂牁郡故且蘭縣今播州東南至

益陽入江岳州沅江縣漢益陽地湘水出零陵郡零陵縣

全州清湘縣陽海山北至鄱入江衡州衡陽縣楚辭注湘

水出帝舜葬東入洞庭下 山海經沅水出象

郡鐔城西入東注江入下嚮西辰州沅陵合洞庭中

郭璞云湘水出零陵營道縣陽朔山入江

### 郟 淮泗

地理志東海剡縣故國水經注故城在下邳縣

今淮陽軍東北一百五十里吳自伐郟之役始見於春秋楚人對

項襄王曰鷹擊郟國大梁可得而有也蘇代遺

燕王書曰驅韓魏以伐齊日必反宋地歸楚淮

北又見齊王曰有淮北楚之東國危越世家句踐已去渡

淮南以淮上地與楚楚世家越已滅吳而不能

正江淮北楚東侵廣地至泗上林氏曰吳之始圖楚也爭巢鍾離州來之三邑蓋七十年而後取之失淮由失州來州來下蔡縣淮北

### 九夷

李斯曰惠王用張儀之計南取漢中包九夷制

地理通釋

卷之十 二十四

汲古閣

鄢郢索隱云屬楚之夷也戰國策張儀曰楚破

南陽九夷內沛許鄢陵危呂氏云以此考之九

夷之地略可見方孔子在陳蔡相去蓋不遠也

所以有欲居九夷之言鄭語楚蚡冒始啓濮左傳楚武王克州蓼服隨

唐大啓羣蠻爾雅疏夷有九種曰畎夷于夷方夷黃夷白夷赤夷玄夷風夷陽夷謂東夷也楚

秦所包蓋

西南夷

### 苻離之塞

宿州苻離縣漢屬沛郡爾雅莞苻離也地多此草故名縣南臨



汴河

甘魚之口

左傳昭十三年楚公子比次于魚陂注云竟陵縣城西北有甘魚陂水經注竟陵城傍有甘魚陂史記正義竟陵故城在郢州長壽縣南百五十里

長壽縣本漢竟陵縣地

今復州亦是其地按戰國多以水攻故楚守甘魚之口

祝氏鑑曰從人之

論必曰衡成則秦帝從合則楚王蓋自方城以

地理通釋

卷之十  
二十五

汲古閣

南武關之東秦楚之地表裏控帶

燕

蘇秦說燕文侯曰燕東有朝鮮遼東北有林胡樓煩西有雲中九原南有噶沱易水地方二千餘里南有碣石鴈門之饒北有棗栗之利此所謂天府者也秦之攻燕也踰雲中九原過代上谷彌地數千里雖得燕城秦計固不能守也秦之不能害燕亦明矣今趙之攻燕也發號出令不至十日而數

十萬之軍軍於東垣矣渡滹沱涉易水不至四五日而距國都矣故曰秦之攻燕也戰於千里之外趙之攻燕也戰於百里之內夫不憂百里之患而重千里之外計無過於此者是故願大王與趙從親天下爲一則燕國必無患矣 蘇代見燕王曰天下戰國七燕處弱焉獨戰則不能有所附則無不重南附楚楚重西附秦秦重中附韓魏韓魏重張儀說燕昭王曰今趙王已入朝滹池效河間

地理通釋

卷之十  
二十六

汲古閣

以事秦今大王不事秦秦下甲雲中九原驅趙而攻燕則易水長城非大王之有也 韓非子曰燕襄王以河爲境以薊爲國襲涿方城殘齊平中山有燕者重無燕者輕

注方城涿之邑也

朝鮮

地理志玄菟樂浪皆朝鮮濊貉句驪皆夷殷道

衰箕子去之朝鮮

史記武王封箕子於朝鮮

朝鮮王傳滿燕

人自始燕時嘗略屬真番朝鮮爲置吏築障秦

滅燕屬遼東外徼漢興爲遠難守復脩遼東故塞至涇水爲界

樂浪縣

屬燕滿東走出塞度涇水

居秦故空地上下障王之都王險

地名

括地志高

驪平壤城本漢樂浪郡王險城卽古朝鮮

### 遼東

地理志燕地東有遼東匈奴傳燕置遼東郡以

距胡通典舜營州遼水之東是也燕遼東郡秦

漢因之東通樂浪晉置平州後魏時高麗國都

地理通釋

卷之二十七

汲古閣

其地唐置安東都護府

至德後廢

### 林胡樓煩

正義二胡朔嵐已北

貨殖傳燕東北邊胡周書王會有樓煩

戰國

策蘇秦說齊曰齊燕戰於桓之曲燕不勝十萬

之衆盡胡人襲燕樓煩數縣取其牛馬匈奴傳

冠帶戰國七而三國邊於匈奴

燕趙秦也

### 雲中九原

正義二郡並在勝州雲中故城在榆林縣

趙雲中城

秦雲中  
郡也  
東北四十里九原在榆林縣西界漢武

帝改爲五原郡  
郡縣志五原謂龍遊原乞地千原青嶺原肯嵐正原橫槽原

括地志勝州連谷縣本秦九原郡按匈奴傳趙

武靈王置雲中趙世家云地西至雲中九原  
郡縣

志敬本古城在中受降城北四十里賈耽古今述曰以地理求之前代九原郡城也

### 淳沱

地理志淳池河自代郡鹵城縣  
代州繁時縣東至參

合雲州東至文安  
州入海并州川隋圖經云魏改

地理通釋  
卷之十 二十八  
汲古閣

曰清寧河光武紀注山海經云大戲之山淳沱

之水出焉在今代州繁時縣東定州深澤

縣今屬祁州東南卽光武所度處今俗猶謂之危度

口九域志在深州域舊在深州饒陽縣南至曹

操因故瀆決今北注新溝今在饒陽北禮記

惡池周禮淳池正義出繁時縣東南流經五臺

山北東南流過定州入海淮南墜形訓呼池出

魯平山各穆天子傳絕鉞山之隊北

### 易水

地理志易水出涿郡故安縣  
今易州易縣閻鄉東至

范陽入濡亦入涑并州寧郡縣志易水在涿州

歸義縣

今雄州歸信

南二十五里

括地志一名故安河又名北易水源

出易州易縣西谷中之東東南流過歸義縣東與滹沱河合趙惠文王五年與燕鄭易鄭今之莫州易漢涿郡之故安也水經注易水逕安次縣南鄭縣故城北東至文安縣與滹池合蘇秦曰易水以南謂此水班固以為南易

### 碣石

地理志大碣石山在右北平驪成縣西南通典

平州盧龍縣有碣石山

正義燕東南

碣然而立在海

### 地理通釋

卷之十二十九

汲古閣

旁晉太康地志秦築長城所起自碣石在今高

麗界非此碣石也括地志在盧龍縣南二十三

里史記騶衍如燕昭王築碣石宮身親往師之

正義云碣石宮在幽州薊縣西三十里寧臺之

東

通典碣石山在漢樂浪郡遂城縣長城起於此長城東截遼水而入高麗遺趾猶存禹貢

右碣石在平州南二十餘里則高麗中為左碣石

水經在遼西臨渝縣

南水中

注云大禹鑿其石右夾而納河秦皇漢武皆登之海水西侵而苞其山故言水

中山海經碣石之山繩水出焉東流注于河文頴曰在遼西參縣今屬臨渝始皇三十二年刻

碣石門武帝元封元年至碣石輿地廣記在平  
州石城縣故驪城今按碣石在海旁鴈門有鹽  
澤故云碣石鴈門之饒 酈道元言驪城枕海  
有石如甬道數十里當山頂有大石如柱形其  
山脊在河口海濱歷世既久爲水所  
漸淪入于海已去岸五百餘里矣

### 鴈門

匈奴傳趙武靈王置鴈門郡 地理志秦置今雲應朔州 李牧

常居代鴈門備匈奴山海經鴈門之山無草木

鴈門之水出于鴈門之山鴈出其間 注云卽北陵西踰鴈之所出

因以名云在高柳北 高柳在代北故城在雲州定襄縣後改雲中縣 正

### 地理通釋

卷之十 三十

汲古閣

義山在代燕西門 水經注高柳在代中其山重巒疊嶺東出遼塞鴈門水東南流逕高柳縣故城北舊代郡治 爾雅西踰鴈門注云卽鴈門山

### 代上谷

匈奴傳趙置代郡燕置上谷郡正義上谷卽媯

州 上谷至遼東地踔遠人民希數被寇大與趙代俗相類通典上谷易幽莫瀛媯州之地

### 東垣

趙攻中山取東垣輿地廣記真定府 鎮 真定縣

本中山之東垣邑漢十一年陳豨將趙利守東

垣帝攻拔之改曰真定有滹沱水

正義趙之東邑在真定縣

南八里故常山城是也

### 灑池

在今河南府灑池縣地理志弘農黿池景帝中

二年初城徙萬家爲縣水經注穀水出于崤東

馬頭山穀陽谷東北流歷灑池川漢景帝因崤

黿之池以目縣或謂之彭池穀水又東逕秦趙

二城南卽趙王鼓瑟秦王擊缶處世謂之俱利

### 地理通釋

卷之十 三十一

汲古閣

城蓋云秦趙俱利也淮南子九塞曰灑黿戰國

策云灑隘之塞

秦攻商君殺之於鄭黿池時屬鄭維陽西有殺黿

翼奉

曰成周右阻黿池趙涉說周亞夫曰吳王必置

間人於殺黿阨陜之間

王莽命王奇曰殺黿之險東當鄭衛水經注穀

水又東逕新安縣故城南北夾流而西接崤黿

城又東逕于雍谷溪回岫縈紆石路阻陜故亦

有硤石之稱禹貢注澗水出灑池山郡縣志灑

池縣本韓地廣陽山一名灑池山在縣東北五  
十五里穀水南去縣二百步東經秦趙二城東  
城在縣西十三里西城十四里秦始皇趙惠文  
王會處馮異破赤眉於  
崤底璽書曰奮翼黿池

長城

匈奴傳燕築長城自造陽至襄平置上谷漁陽

薊州檀州

右北平

平州營州

遼西郡遼東郡以距胡通典麟

州銀城縣五原塞卽縣北所謂光祿塞晉太康

地志自北地郡行九百里得五原塞又北出九

百里得造陽卽此

韋昭云造陽地在上谷未詳孰是襄平縣遼東郡所治唐

地理志安東都護府故漢襄平城也括地志寧原慶三州秦北地郡義渠戎國之地正義馬邑

長城亦名燕長城在媽州北

邵子曰周之同姓諸侯而克永

地理通釋

卷之十 三十二

汲古閣

世者獨有燕在焉燕處北陸之地去中原特遠

苟不隨韓趙魏齊楚較利刃爭虛名則足以養

德待時觀諸侯之變秦雖虎狼亦未易加害延

十五年後天下事未可知也 趙氏曰燕入

春秋百九十年始以伯款見經

薊

樂毅書薊丘水經注今城內西北隅有薊丘因

丘以名邑猶魯之曲阜齊之營丘唐志幽州薊



縣 周武王封帝堯之後於薊燕國都薊秦屬  
上谷韓廣自立爲燕王項氏封臧荼漢封盧綰  
爲王皆都其地東漢立幽州前燕慕容儁自和  
龍徙都於此宋宣和爲燕山府郡縣志燕山在  
薊州漁陽縣東南六十里 召公所封燕在幽  
州城取此山爲名

### 涿方城

應劭云涿水出上谷涿鹿縣漢涿郡涿縣廣陽

郡方城縣

後漢屬涿郡

唐涿州范陽縣本涿武德七

### 地理通釋

卷之十三

汲古閣

年更名

燕方城縣唐貞觀元年自章信城移固安縣治此屬幽州後屬涿州

水經

注聖水自涿縣東與桃水合東逕涿縣故城下

與涿水合世以爲涿水亦謂之桃水出涿縣故

城西南奇溝東八里涿水又東北逕涿縣故城

西流注于桃應劭曰涿郡故燕漢高帝六年置

其南有涿水 聖水又東逕方城縣故城李牧

伐燕取方城是也王肅曰今涿郡方城縣有韓

侯城

詩韓奕曰溥彼韓城燕師所完王錫韓侯其追其貊奄受北國

郡縣志

城故城在涿州固安縣南十七里本燕舊邑

中山

通典定州安喜縣古中山鮮虞地

漢盧奴縣

新樂縣

鮮虞國

漢新市縣

左氏定四年傳荀寅曰中山不服

中山之名始見於此

威烈王十二年中山武公初立

魏文侯使

樂羊代中山

郡縣志定州春秋時鮮虞白狄之國戰

國時為中山國與六國並稱王後為趙武靈王所滅中山之地方五百里秦趙郡鉅鹿二郡之

地理通釋

卷之十三十四

汲古閣

地漢高帝分置常山中山二郡城中有山故曰

中山景帝改為中山國

封子勝為中山王

後燕慕容垂

建都於此

置中山尹後魏為中山郡置安州又改為定州以安定天下為各隋為博

陵郡今中山府

